

Broj: 101-7556/26 DžS *AKS*

Zenica, 16.07.2026. godine

Na osnovu člana 69., stav 2., tačke (d), člana 70., stav 1., 4., i 6. Zakona o javnim nabavkama („Službeni glasnik BiH“, broj 39/14, broj 59/22), na Preporuku Komisije za nabavku broj: 601-7554-1/26 DžS od 16.07.2026. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o poništenju postupka za nabavku kvarcnog pijeska za dopunu filterskih polja

I

Poništava se postupak javne nabavke za nabavku kvarcnog pijeska za dopunu filterskih polja iz razloga što nije zaprimljena nijedna prihvatljiva ponuda, u skladu sa članom 69., stav 2., tačka (d), Zakona o javnim nabavkama („Službeni glasnik BiH“, broj 39/14, broj 59/22, broj 50/24).

II

Za izvršenje ove Odluke zadužuje se Komisija za nabavke.

III

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-6320/26 BS od 25.06.2026. godine. Javna nabavka je provedena putem konkurentskog zahtjeva sa zaključivanjem okvirnog sporazuma na period od 12 mjeseci.

Procijenjena vrijednost javne nabavke bez uračunatog PDV-a je 5.000,00 KM.

Dana 26.06.2026. godine na Portalu javnih nabavki, istovremeno sa objavljivanjem Obavještenja o nabavci broj: 439-7-1-255-3-114/26 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 08.07.2026. godine.

Rok za dostavljanje ponuda je bio 08.07.2026. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljena je jedna ponuda u zatvorenoj koverti, i to:

1. ALMY d.o.o.

Komisija za nabavku imenovana je Odlukom broj: 101-2841/26 ME od 16.03.2026. godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna),
- da je blagovremeno zaprimljena 1 (jedna) ponuda,
- da nema neblagovremeno zaprimljenih ponuda 0 (nula),
- da je ukupno 10 (deset) ponuđača preuzelo tendersku dokumentaciju sa Portala javnih nabavki.

Komisija za nabavku je dana 16.07.2026. godine direktoru preduzeća dostavila Zapisnik o ocjeni ponuda broj: 601-7554/26 DžS od 16.07.2026. godine sa preporukom o poništenju postupka:

Dana 13.07.2026. godine Komisija za javne nabavke je od ugovornog organa zatražila angažman stručnog lica za pregled i stručno ocjenjivanje pristiglih ponuda u predmetnom postupku nabavke.

Dana 15.07.2026. godine, angažovano stručno lice, Sanja Međugorac, tehnolog za tretman vode za piće je dostavila pisano izjašnjenje u kojem se, između ostalog, navodi da ponuđač nije dostavio kataloški list, te da je ponuđač dostavio izvještaj o ispitivanju uzorka u kojem je navedena granulacija 0,1 do 0,65 mm, a tenderskom dokumentacijom je zahtijevana granulacija od 0,3 do 1,2 mm (uz propisano dozvoljeno odstupanje od $\pm 0,1$ mm), te je slijedom navedenog zaključeno da ponuda nije usklađena sa tehničkim specifikacijama i uslovima propisanim tenderskom dokumentacijom.

Komisija za nabavke je prihvatila izvještaj i obrazloženje angažovanog stručnog lica.

Osim toga, u Aneksima 5 i 7 datumi su neusklađeni. Naime, izjave izdate 07.07.2026. godine su ovjerene 01.07.2026. godine.

Nadalje, u uslovima za učešće pod tačkama e) i f) je navedeno da ponuđač treba da dostavi ovjerene kopije dokumenata, a ponuđač je dostavio dokumente koji nisu ovjereni kod nadležnog organa.

Shodno navedenom, ponuda ponuđača ALMY d.o.o. je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Slijedom navedenog, Komisija je sa 3 (tri) glasa ZA i 0 (nula) glasova PROTIV donijela preporuku o poništenju postupka nabavke a u skladu sa članom 69., stav 2., tačka (d) Zakona o javnim nabavkama („Službeni glasnik BiH“, broj 39/14, broj 59/22, broj 50/24).

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 69., stav 2., tačka (d) Zakona o javnim nabavkama („Službeni glasnik BiH“, broj 39/14, broj 59/22, broj 50/24) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

 DIREKTOR:
Pašalić Emir, dipl.ing.građ.

DOSTAVLJENO:

- 1 x Ponuđačima
- 1 x Tehnički direktor
- 1 x Dir.za razvoj i invest.
- 1 x Pom.dir. za pravne poslove
- 1 x Pom.dir. za ekonomske poslove
- 1 x Odjeljenje za javne nabavke
- 3 x Članovima Komisije
- 1 x Sekretar Komisije
- 1 x a/a